

~~A31002~~ 00878

馮氏錦囊秘錄

馮氏錦囊秘錄雜症大小合參卷十四

松江蒲溪李林鶴啟即氏重校

羅如桂丹臣

海鹽馮兆張楚瞻甫纂輯

門人孫顯達惟良全較

男 乾元龍周

兒科腫脹

百病之始生莫不由六淫七情所致。若夫腫脹尤特甚焉。然有脾虛水腫鼓脹脹滿膚脹虛腫。在臟在腑之分。小兒臟腑嬌嫩乳食不節脾一受傷不能制水。流溢皮膚然症有三。疳水積水。驚水是也。疳水者心脾虛損面黃脚腫也。積水者五積在腹結化為水也。驚水者重疊受驚心火燥濕過飲停蓄也。然水氣而脉浮大滑實者生以其在表而未大虛也。況細虛微者死以其在裏而虛極兼之陽虛則不能化陰也。有脾胃受濕不能運化氣浮四肢頭面皆腫者此名濕腫。有濕毒并諸毒氣停留胃脘是以入腹作痛此名毒氣腫也。有傷寒下之太早是以乘虛入腹而作腫者此名傷寒腫也。更有虛腫者凡諸大病之後氣血兩虛中氣不固皆能外浮而為腫晨起面浮午後足腫若元氣未耗宜急養胃調脾則腫不治而自退其水腫者脾虛受濕是以榮衛留止脾失健運肺失輸降水氣上侵目窠浮腫腹大而白足脛皆腫而如水手按成窟而即起光腫如泡者是也。失治則皮爛水流若遍體成瘡者皆可治虛陷者危矣更有十種水之分如氣短不得臥者為心水兩脇緊痛者為肝水大便驚瀉者為肺水四肢苦重者為脾水。

腰痛足冷者為腎水。口苦咽乾者為膽水。乍虛乍實者大腸水。腹急肢瘦者膀胱水。小便閉澀者為胃水。小腹急滿者小腸水。更有氣聚膀胱而致陰囊亦腫者。總而論之。腎虛不能行水。脾虛不能制水。胃為水穀之海。虛則不能傳化。是以泛濫。反得浸漬。脾土於是三焦停滯。經絡壅塞。氣留於臟而為脹。水溢於皮膚而為腫。宜先益氣補中。切勿徒投滲泄。鼓脹者。心腹脹滿。旦食不能暮食。形如鼓脹。色蒼黃。腹筋起。又名單鼓。外雖堅滿。中空無物。脹滿者。心腹痞脹。噎氣妨食。氣短煩渴。面黃皮薄而光。肢瘦肌慄而咳。漫短便閉。此乃脾虛之甚。治宜大補中氣。佐以行濕。或補中益氣。金匱腎氣。兼而服之。膚脹者。皮胃卒傷。風寒陡感。濕氣泊流。周身盡腫。按其脹。實而不起。倦言懶食。吞酸惡心。治宜燥濕和中。然氣虛而腫者。名曰氣蠱。血虛而腫者。名曰血蠱。榮衛俱虛者。名曰氣血蠱。凡腫先起於腹。而散於四肢者。可治。自四肢而歸於腹者。難療。并鼓脹而腹有青筋。脹滿而大便滑瀉。面青作喘者。單腹脹而面目手足硬者。唇黑腫。傷肝。缺盆平傷心。臍突平傷脾。足心平傷腎。背平傷肺。男從足腫而上。女從身腫而下。或肉硬。或手掌平。外腎脹極。囊莖腫腐。臍間青黑。喘促煩渴。身浮青紫。或身似枝色。偏膚生班。自利畏食。唇縮枯澀。小便不禁。及起紫黑班點。漸若雲片者。並皆不治。

大抵因水因濕者。下先腫。因風因火者。上先腫。陽水脉沉數。陰水脉沉遲。故腰以上腫。宜發汗。腰以下腫。宜利水。身熱者在表。宜汗。身不熱者在裡。宜下。此常論也。然不可用大戟甘遂之劑。倘水氣乘虛復至。更將何以治之。即腫脹有因積而得者。倘去積而腫再作。小便不利者。若再

用利藥小便愈閉。醫多束手。蓋此多因中焦氣不升降。為寒所隔。水閉不行。惟服沉附湯。類小便自通。喘滿自退矣。

腫脹症候。若脾虛氣未出。腹脹不腫不喘者。或以補為消。或借消為補。務使脾能健運。腎能開藏。則祖氣有根而不拔。元氣深藏而有源。何有為脹為滿之患哉。若早不速治。則虛氣已出。附肺而行。入於四肢面目。是以通浮然。此譬如行兵。戰寇未出林也。攻之必獲。既出林矣。攻之必失。至此又當以意漸收之。蓋標症雖似有餘。本症實由不足也。

方脉腫脹合參

帝曰。脉之應於寸口。如何而脹。伯曰。其脉大堅以濇者。脹也。

邪盛則大。邪實則堅。濇者氣血虛而不流利也。洪大之脉。陰氣必衰。

堅強之脉。胃氣必損。故大堅以濇。病當為脹。

是以脾具坤靜之德。而有乾健之運。故能使心肺之陽降。肝腎之陰升。

而成天地之參。是為平人。今也七情內傷。六淫外感。飲食失節。房勞致虛。脾土之陰受傷。轉運之官失職。胃雖受穀。不能運化。是以心肺之陽不能降。腎肝之陰不能升。而成天地不交之否。清濁相混。隧道壅塞。鬱而為熱。熱留為濕。濕熱相生。遂成脹滿。本無形之。為病難作。有形之症。調理有謂。秋夏冬治之稍易。惟春最難者。以其木旺而土受剋。不能制水也。然輕者俱易。重者俱難。不獨春也。名鼓者。以其中空外浮。取其象而名之也。更名蠱者。以其侵蝕之害。取其義而名之也。治者宜補其脾。又須養肺金以制木。使脾無賊邪之患。滋腎陰以制火。使肺得清化之令。脾肺腎之氣交通。則水穀自然剋化。却鹹味。斷妄想。無有不安。醫者急於取效。病者苦於

脹滿喜行利藥以求通快不知寬得一日半日其脹滿病邪愈甚而元氣轉傷矣。又有標實而本虛者瀉之不可補之無功極為危險全在杜微防漸標本得宜使脾腎之元陽生發而陰邪之遲滯釋然矣。

水腫鼓脹皆因脾虛所致。然水腫輕而鼓脹重何也。水腫則飲食如常鼓脹則飲食不及常也。先頭足腫後腹大者水也。腫也。先腹大後四肢腫者氣也。脹也。治水腫則惟補脾導水而已。治鼓脹則補脾導水兼以消穀庶乎可也。雖然鼓脹有氣血寒熱四者之殊多由怒氣傷肝木邪剋土所以脾病而不能運化水穀也。又要養肺金以制肝木使脾無賊邪則運化行而水穀消矣。以此觀之治鼓脹之法必以補脾制肝導水消穀為主。看所挾而兼用藥挾氣則散氣挾血則破血挾寒則溫寒挾熱則清熱自無不愈其有不可治者此乃脾虛之極為真臟病也。真臟病者由真火不能生土耳。豈止脾臟而已哉。

人有行房用力過度則汗出於腎。經言汗出於腎達於風內不得入於臟腑外不得越於皮膚。客於玄府行於皮膚傳於腠腫本之於腎。名曰風水。治宜滋腎散風如四物湯加荆防羌柴防己之類不可作脾虛濕腫而用參朮及利水之藥愈使風邪內陷。

火性炎上水性潤下消渴證不交而火偏盛也。水氣證不交而水偏盛也。治之之法在制其偏而使之相濟。故小火不能化大水先必瀉其水後補其火。開鬼門是發汗瀉在表在上之水也。潔淨府謂利小便瀉在裏在下之水也。水勢既減然後用暖藥以補元氣此治實治熱之次第。

也。若不明虛實寒熱專守下則脹已之一法。雖得稍寬於一時。真氣愈衰。未幾而腫脹再作。遂致不救矣。故涉虛者溫補脾腎。如腎氣丸之類。補中微瀉。使其漸次康復。然王道無近功。必以緩取效。古今明醫豈不知尅伐之功速。而曠日持久。亦以中氣既衰。恐蹈虛虛之禍耳。中滿者其症悉與鼓脹水腫無異。何故屬之氣虛。氣虛者腎中之火氣虛也。中滿者中空似鼓。虛滿而非實滿也。經曰諸濕腫滿皆屬於脾。又曰其本在腎。其末在肺。皆聚水也。諸經雖皆有腫脹。無不由於脾肺腎者。蓋脾土主運行。肺金主氣化。腎水主五液。凡五氣所化之液。悉屬於腎。五液所行之氣。悉屬於肺。轉輸二臟以制水生金者。悉屬於脾。若脾不能散胃之水精於肺。而病於中。肺不得通胃之水道於膀胱。而病於上。腎不能司胃之關門。時其輪泄。而病於下。是以胃土不能制腎水。水逆而上行。傳入於肺。故水雖制於脾。而實主於腎。蓋腎本水臟。而元陽生氣所由出。若腎中陽虛。則命門火衰。既不能自制陰寒。又不能溫養脾土。陰陽不得其正。則化而為邪也。治者惟知泄水而不知益胃。或知益胃而不知溫腎。故多下之。強令水出不依天度流轉。故胃氣愈虛。腎陽愈損。則發而不能制也。莫若行其所無事。則為上計。何舉手便用內經去宛陳莖。開鬼門。潔淨府。如舟車九禹功散之類。若真知為水濕之氣客於中焦。侵於皮膚。如水晶之光亮。手按之隨起者。以前藥一服而退。若久病大病後。或傷寒瘧痢後。女人產後。小兒痘後。與夫元氣素弱者。繫以前法施之。脾氣愈泄。愈虛。不可復救矣。故治腫者。先以脾土為主。須補中益氣。或六君子湯溫補之。再以金匱腎氣丸補土之母。俾脾強土旺。則能散精於肺。通調水

道下輸膀胱水精四布五經竝行矣。或者疑謂喘脹水滿。又加純補之劑。恐益脹滿。必須補藥中。加行氣利水之品。此論似得病情。終非納氣藏源至理。蓋肺氣既虛。不可復行其氣。腎水已衰。不可復利其水。純補之劑。初時似覺不快。過時藥力得行。則氣歸者自歸。而行者自行。如土之在雨中。則為泥。得和風暖日。則濕去而陽和自得。萬物生長矣。

東垣曰。中滿治法。當開鬼門。潔淨府。瀉之於內。謂脾胃有病。令上下分消其濕。下焦如瀆。氣血自然分化。或如大實大滿。大小便利者。從權以寒熱藥下之。此以論治有餘之症也。至於補腎以治腫。其說難明。蓋禹之治水。行其所無事也。若一事疏鑿。則失之矣。今人之治水者。牽牛大戟粗工之小智。正禹之所惡也。間有五苓五皮者。以為中正。亦轉利轉虛。腎氣愈衰。而愈不能推送矣。故須用補腎經曰。腎開竅於二陰。腎氣化則二陰通。二陰開則胃填脹。腎者胃之關。關門不利。故水聚而從其類也。經又曰。腎主下焦。三焦者。決瀆之官。水道出焉。膀胱者。州都之官。津液藏焉。必待三焦之火化。始能出焉。其三焦之經。在上者。布臚中。散落心包。在下者。出於委陽。上絡膀胱。上佐天道之施化。下佐地道之發生。與手厥陰為表裏。以應諸經之使者也。是故腎虛者。下焦之火虛也。雖小便之清長。必由於肺金之輸化。然膀胱之氣旺。始能吸胸中之氣以下行。但腎與膀胱為表裏。膀胱之失運化。必由腎氣之衰微。故始因火小不能化水。後則水大火不能化矣。經曰。三焦病者。氣滿。小腹光堅。不得小便。溢則水留而為脹。仲景金匱腎氣丸。補而不滯。通而不泄。誠治腫之神矣。

有一身之間。惟面與足浮腫。早則面甚。晚則脚甚。經云。面腫為風。脚腫為水。乃風熱所致也。雖然。病後元氣未復者。每多見此。蓋由真氣根本不固。故日中行坐。則氣墜下面。晚脚腫。夜中眠臥。則氣升浮。而早面浮。若概作風濕治之。益虛其虛。故以治不足之法。治有餘則可。治有餘之法。治不足則不可。

凡有癥瘕積塊痞塊。即是脹病之根。日漸月積。腹大如箕。若抱壅然。是名單腹脹。不似水氣散於皮膚。面目四肢也。緣中州之地久窒。其四運之軸清者不升。濁者不降。互相結聚。牢不可破。實因脾土之衰微。而藏氣之司失職。蓋人之有身。賴中央以運四旁。今中央既竭。焉有精葉四達。故憶梓枯槁。中腹如鼓。昧者猛用劫奪之藥。暫消而復腫。愈甚。疑其何物邪氣。若此之盛。豈知猛藥所攻。即以此身之元氣。轉與此身為難首。實如驅良民為寇也。明乎此。則有培養一法。補益元氣是也。則有招納一法。脾虛下陷者。升舉陽氣。腎虛上浮者。納氣歸源是也。則有解散一法。開鬼門。潔淨府是也。三者具不言瀉。而瀉在其中矣。

有氣血鬱而停滯久之。而血痺不行。濕熱生蟲。腹形充大。中實有物。名之為蠱。非如鼓脹。腹皮絀急。而屬於氣中空無物也。亦宜詳辨。婦人有水分與血分之殊。心胸堅大。而病發於上。先病水脹。而後經斷。謂之水分。血結胞門。而病發於下。先因經斷。而後水脹。謂之血分。水腫皆起於房勞過度。先自脛腫。後腹大。按之隨手而起者。水也。單腹脹。乃脾虛之甚。必大劑參朮桂附。下元虛寒者。金匱腎氣丸料。大劑作湯。初服必脹悶難當。久則正氣旺。而得健運。脹消矣。

乃內經塞因塞用之法。少用則滋壅於上。多服則峻補於下。蓋中州虛乏壅滯。必賴大補而流通其氣。

經言營氣循脉。衛氣逆為脉脹。衛氣既逆。乃循分肉之間。而為膚脹。故人身以氣為主。失其和則為邪。氣得其平。則為正氣。正氣者。即真氣也。元氣也。一息不運。則機絨窮。一毫不續。則霄壤判。然氣主於肺。肺為諸氣之司。生於胃。胃為化源之所。原於腎。腎為根本之地。故氣虛補虛者。定法也。氣無補法者。俗論也。如痞悶壅塞。似難於補。不知正虛不補。邪由何行。然有補之而不效者。未知補之法也。凡一切氣人。但知求於脾肺。而不求之腎耳。蓋腎間動氣。為五臟六腑之本。十二經絡之根。呼吸之門。三焦之原人。或房勞不節。或思慮太過。皆能傷腎。故曰。思為之害。甚於慾。腎既有傷。氣無管束。遂多鬱滯。肺出氣也。腎納氣也。腎虛不能納氣。則氣上而不下。是肺病而實腎病也。子病累及於母。治之者。無徒事於肺。當以補腎為本。補腎之要。尤在納氣為主。納氣之法。導火歸之而已。蓋火為氣之根也。

經曰。濁氣在上。則生臌脹。故鼓脹者。雖脾胃病。其原則氣由於腎。蓋脾為陰中至陰。為不遷之位。天為陽。火也。地為陰。水也。在人則為脾。同陰水之化。若中氣充足。則元陽健運。否則陽氣不能運化。精微聚而不改。為脹為滿。宜入溫補之劑。長養胃中生發之氣。上行清道。濁陰自降。脹滿自愈。倘以分消為事。圖寬快於一時。則脾氣因分消而愈虛。運化因愈虛而愈難。此治脾胃之論也。而未及於腎。夫腎雖為水臟。而命門之相火寄焉。命門之火衰。則真陽微。而脾土弱。脹

滿生焉。經云：臟寒生滿病。故欲補土者，尤莫如補腎中之真火。火旺則土強而脹自愈。至於開鬼門、潔淨府，乃治外感有形之實症，而非治內傷無形之氣病也。

水腫者，脾病也。出於肺而本於腎。三經之寒氣為病，而實原於三焦之氣不化。開而不行，留溢為腫。脾制水者也。土受邪，則水反侮之。肺生水者也。金氣病，則水不能輸。然其本更在於腎。腎雖水臟，實元陽生氣所由出也。若腎中之陽虛，則命門火衰，何能溫養脾胃？是以陰寒上乘，至陰益困，不能為之健運矣。要知氣即火也，陽也；精即水也，陰也。陽旺則化精而為氣，陽衰則不能化而水即為邪。火衰則不能化水，水盛則火不能化陰。不從陽而精氣皆可化為水也。故水腫之水，實無水也。本於氣之所化，真氣旺則水即為氣，真氣衰則氣即化水。因脾肺腎真元之氣先虧而致之。蓋腎居下焦，屬水，統攝陰液為水之本；脾居中焦，屬土，合肌肉為水之隄防。主化穀生津，以灌溉諸經。肺居上焦，屬金，為水之化源，行榮衛而主治節，以通調水道。人或勞倦房室，以傷其臟，則在腎不能統攝宣通而停蓄矣。在脾不能隄防灌溉而泛濫矣。在肺不能生化通調而壅閉矣。三焦之氣閉塞，決瀆之官鬱遏，水道不通，津液亦閉，血脈不流，盡化為水。水因氣閉，氣因水壅，腫病日甚。觀此，則知得之於脾肺腎三經，更本於氣也。火也明矣。《經》曰：三陰結謂之水。三陰結者，謂脾肺之脈俱寒結也。脾肺寒結，則氣化為水矣。所以金匱腎氣內用桂附以運動其樞機，則水自下，非若五苓之專於行水為事也。

凡治腫脹，其陰陽虛實，不可不辨。大抵陽證必熱，熱者多實，陰證必寒，寒者多虛。先脹於內而

後腫於外者為實。先腫於外而後脹於裏者為虛。小便黃赤。大便秘結為實。小便清白。大便溏泄為虛。滑數有力為實。弦浮微細為虛。色紅氣粗為實。色悴聲短為虛。凡諸實症。或六淫外客。或飲食內傷。陽邪急速。其至必暴。每成於數日之間。若是虛證。或情志多勞。或酒色過度。日積月累。其來有漸。每成於經月之後。然治實頗易。理虛恒難。虛人氣脹者。脾虛不能運氣也。虛人水腫者。土虛不能制水也。水雖制於脾。實則統於腎。腎本水臟。而元陽寓焉。命門火衰。既不能自制陰寒。又不能溫養脾土。則陰不從陽。而精化為水。故腎之真陽盛。則水皆內附。而與腎氣同其收藏矣。水腫之症。多屬火衰也。丹溪以為濕熱養肺金。以制水。使脾無賊邪之患。滋腎水以制火。使肺得清化之權。夫制火固可保金。獨不慮其害土乎。惟屬熱者宜之。若陽虛者。豈不益其病哉。

又有婦人內有積聚。似水脹而非水脹。經曰。石瘕生於胞中。寒氣客於子門。子門閉塞。氣不得通。惡血當寫不寫。血以留止。日以益大。狀如懷子。月事不以時下者。可導而下。若寒氣客於腸外。與衛氣相搏。氣不得榮。因有系癖。而內着。瘕肉乃生。大如雞卵。稍以益大。如懷子狀。按之則堅。推之則移。月事以時下。此腸覃也。

凡水道不利。而成腫滿。蓋不以清肺為急。蓋膀胱之精液。必待肺氣之降下而輸化。曷不觀之禽畜。有肺者有尿。無肺者無尿。此其義也。

凡鼓脹朝寬暮急者。血虛。暮寬朝急氣虛。終日急者。氣血皆虛。如因有故蓄血而腹脹者。宜

下死血。如因食積腹脹者。宜木香檳榔厚朴香附之類消之。如因外感熱而腹脹者。

宜桂枝麻黃溫散之。總實者。下之消之。次補之。虛者補之。升之以補為要。若脉沉忽大出。

者死。腹脹寒熱如瘧者死。腹脹便血脉大時絕者死。遍身通紅不治。腹脹身熱者死。

瀉後腹脹而有青筋者死。大便滑泄水腫不消者死。脉實大者可治。虛微者難治。

金匱腎氣丸。治脾肺腎俱虛。遍身腫脹小便。

白茯苓。乳三兩。附子。製熟。川牛膝。一兩。酒。肉桂。一兩。澤瀉。一兩。車前子。一兩。微焙。山茱萸。去核。一兩。酒。拌。

炒。山藥。一兩。黃。兩。牡。丹。皮。一兩。酒。熟。地。黃。四兩。酒。煮。枳。實。蜜。丸。桐。子。大。每。服。四。五。錢。空。心。白。湯。下。

疏鑿飲子。治通身水腫。喘呼。氣急。煩躁。多。渴。大小便不通。服熱藥不得者。

澤瀉。商。陸。赤。小。豆。炒。羌。活。去。蘆。大。腹。皮。椒。目。木。通。秦。朮。去。蘆。茯苓。皮。檳。榔。各。一。

薑水煎服。

放藥。治腹滿如石。或陰囊腫大。先用甘草嚼後用此。

大戟。芫。花。甘。遂。海。藻。各。等。分。為。細。末。用。醋。調。麵。和。藥。攤。於。綿。紙。上。覆。貼。腫。處。仍。

以軟綿裹住。

舟車神佑丸。去一切水濕痰飲如神。

甘。遂。芫。花。大。戟。各。一。兩。俱。醋。炒。大。黃。二。兩。黑。牽。牛。四。兩。青。皮。陳。皮。木。香。檳。榔。各。五。錢。輕。粉。一。

為。細。末。水。丸。椒。目。大。空。心。服。五。丸。日。三。服。痞。悶。者。多。服。反。煩。滿。宜。初。服。五。丸。每。服。加。五。丸。快。

馬。氏。綿。囊。必。錄。卷。十。四。雜。症。方。脉。腫。脹。諸。方。千。頃。堂。書。局。

利為度。戴人每令病者先服百餘粒。繼以瀘川等藥投之。五更當下種種病出。輕者一二度。重者五六度。方愈。藥雖峻急。為效極神。弱者當依河間漸次進。實者依戴治之。

大聖瀘川散

大黃 煨 牽牛

取頭末

郁李仁

各一兩

木香

二錢

芒硝

三錢

甘遂

五分

諸濕為土火熱能生濕土故夏熱則濕秋涼則燥嘗考戴人治法假令肝木乘脾土土不勝木求救於子巳以能生火金味辛者為金大加生薑使伐肝木然不開脾土無由行也先以舟車九通其開塞之路為其所不勝後以薑汁調瀘川散大下之是為其功也戴人每言瀘水丸必用禹功散繼之舟車九以瀘川散繼之

禹功散

治寒濕水疝陰囊腫脹大小便不利

使內濕熱乘腎虛而流入也大小便不通濕鬱

為熱而脹秘也

為末

每一錢薑汁調下

或加木香一兩此足少陰太陽藥也牽牛辛

熱能達右腎命門走精隧行水泄濕兼通大

腸風秘氣秘苗香辛熱溫散能煖丹田

祛小腸冷氣同入下焦以泄陰邪也

黑牽牛

四兩

苗香

一兩

為末

每一錢薑汁調下

或加木香一兩此足少陰太陽藥也牽牛辛

熱能達右腎命門走精隧行水泄濕兼通大

腸風秘氣秘苗香辛熱溫散能煖丹田

祛小腸冷氣同入下焦以泄陰邪也

神芍瀘水丸治一切因熱積聚

神芍瀘水丸

治一切因熱積聚

黃芩

一兩

黃連

川芎

薄荷

各五錢

大黃

二兩

滑石

黑丑

頭末各

四兩

為末

水丸有血積者加桂

五錢

五錢

綠頭鴨或白鴨治如常法細切和米并五味煮粥。空腹食之。能消水腫。

鯉魚重一觔者煮汁和冬瓜蔥白作羹食之。善消水腫。

雞矢醴法

用羯雞矢

八合炒

以無灰好酒二碗煎至碗半瀘取汁五更熱飲則腹鳴辰已時

雞矢醴法

用羯雞矢

八合炒

以無灰好酒二碗煎至碗半瀘取汁五更熱飲則腹鳴辰已時

雞矢醴法

用羯雞矢

八合炒

以無灰好酒二碗煎至碗半瀘取汁五更熱飲則腹鳴辰已時

雞矢醴法

用羯雞矢

八合炒

以無灰好酒二碗煎至碗半瀘取汁五更熱飲則腹鳴辰已時

雞矢醴法

用羯雞矢

八合炒

行二三次黑水次日足有縐紋又飲一次漸縐至膝上而愈。

一方 土狗一名蜈蚣焙乾為末用上半節即消上身之水下半節即消下身之水左可消左右可消右。

方士以此為神奇。

抵當丸 下蓄血

水蛭七個石蟻蟲八個梗桃仁七個大黃一兩

為末作四丸水一鍾煎一九取七分溫服當

下血未下再服

麻黃甘草湯 治水腫從腰以下俱腫以此湯發汗

麻黃去根節甘草二兩

每服三錢水一鍾煮麻黃再沸後入甘草煎七分溫服慎冒風老

人虛人不可輕用

禹餘糧丸許學士朱丹溪皆贊此方為水脹之聖藥

蛇含石大兩三兩銚出入醋中候冷研細禹餘糧石三兩真針砂五兩淘淨炒乾用醋二鍾同餘糧銚內

細研極羌活 木香 茯苓 川芎 牛膝酒浸桂心 白芷乾大茴香炒蓬朮炮附子

乾薑炮青皮 京三稜炮白蒺藜 當歸酒浸各五錢為末入三味拌勻蒸餅丸如桐子

大食前白湯下三十九至五十九虛人老人俱可服即於小便內旋去不動臟腑每日三服

更以溫補之藥助之真神方也最忌鹽一毫不可入口否則發疾愈甚

五苓散方見傷寒門加木香茵陳治水腫從腰以下俱腫以此利小便仲景曰腰以下腫宜利水腰

以上腫宜發汗也。

五皮散

治脾肺不能運行氣滿皮膚水停不利以致面目虛浮四肢腫滿心腹膨脹上氣促急

桑白皮

生薑皮

大腹皮

茯苓皮

陳皮

各一錢五分

水煎日三服。切忌生冷油膩堅硬

等物。

葶藶木香散

治暑濕傷脾水腫腹脹小便赤大便滑。

葶藶

二錢半炒香

木香

五分

茯苓

去皮各二錢半

肉桂

二錢半

滑石

三兩

澤瀉

木通

甘草

各半兩

白朮

一兩

一方 治水腫腹脹。

苦葶藶

甘遂

麵裹煨藏水浸冷用

商陸根

大戟

各二錢半

大黃

芫花

各一錢

輕粉

少許

黑牽牛

頭末一兩

為末入輕粉再研每服二錢蜜水調服下黑黃臭水為驗。忌生冷鹽醬之物。

金丹

蒼朮

四錢半米泔水浸

草烏

一錢去皮

羌活

一兩

巴豆

一錢半去皮心膜油另研

杏仁

二十一箇去皮尖麵炒另研

為末。

麵糊丸。

桐

子大每服十一丸臨臥薑湯下。忌鹽醬房事發病之物。百日此藥極驗。

一方 用黑雄猪肚一個先以茶湯清油洗淨用活蝦蟇三個每個口內放銅錢一文銅錢上

安胡黃連末少許將蝦蟇活裝入肚內兩頭俱紮住勿令走氣以文武火煮一日次日五更

取出蝦蟇去皮腸肝不用餘肉連猪肚一同撕碎食盡以好酒嚥下。忌鹽醬雞鵝魚麵羊肉

滯氣之物宜食猪肉鴨

錦囊秘方 淋洗囊腫神效

連鬚葱白頭二十一根不必洗淨去土 川椒一兩 麥芽一兩 地膚子一兩

日再洗以消為度

四味煎湯淋洗囊上良久次

塗臍膏 治水腫小便澀少

猪苓 地龍生 針砂醋煮 甘遂各等分

為度葱汁研成膏敷臍中一寸厚以帛縛之水從小便

出為度日易二次

一方 專治蠱症

甘遂一兩 廣木香一兩

為末每服一錢五分用猪腰子一個竹刀劈開去筋膜摻藥在內薄荷

裏定外裹濕紙煨熟臨臥細嚼溫酒下利去黃水為度再服後藥三劑

人參白朮湯

人參三錢 白朮二錢

茯苓二錢 檳榔二錢 黃耆二錢 當歸二錢 生地二錢

水煎食前服凡治鼓疾一瀉三

補無不應驗

十皮五子飲 治一切鼓腫脹并氣虛中滿單腹脹

茯苓皮 草薢皮 牡丹皮 地骨皮 五加皮 大腹皮 甘草皮 兔絲子 大腹子

車前子 生薑皮 木通皮 木瓜皮 紫蘇子 葶藶子 水煎服之如要斷根者將

十五味藥等分為細末各一錢五分用雄猪肝一個不下水者先將溫水煮一滾取出用竹尖鑽孔數個入藥在內蒸熟切片搗蒜蘸食之不過一二個永不發也

一方 治水腫尿溢用馬蘭同黑豆小麥酒水煎服

調中健脾丸

治單腹脹及脾虛腫滿膈中閉塞胃口作痛並皆神效不傷元氣頗有大益勿輕視之

人參

二兩黃耆二兩陳皮三兩鹽白朮黃土白茯苓二兩

白芍藥

二兩半半夏三兩湯泡七次蒼朮二兩

浸炒澤瀉

二兩香附米三兩童便黃連二兩半吳茱萸二兩

沉香

六錢另研紫蘇子一兩羅蔔子

宿炒草豆

仁一兩半酒拌炒薏苡仁三兩五加皮一兩山查肉三兩瓜蒌二兩煨瓜蒌法用大瓜

椒三錢

多年糞礮二錢敲米粒俱納入瓜蒌內外以綿紙糊好兩用細紙筋鹽泥封固晒乾入火內煨通紅為度取出揀去泥連黑皮一併入藥

共為細水煎荷葉大腹皮湯打黃米糊丸如梧子大每服百丸日進三次白湯下

一方 治血鼓腹如盆脹

三稜

煨莪朮乾漆炒烟牛膝酒洗蟲蟲糯米琥珀

肉桂

礪砂

水蛭

石炭炒赤 大黃

各等分

為末用生地黃自然汁和米醋調勻為丸如桐子大每服十丸空心溫酒送下童便下亦可

蠱

鼓脹而名蠱者。取若蟲侵蝕之義也。然方書有曰。凡聚蟲蛇雜類盛之以器。令相噉食至盡。餘存其一。此名為蠱。最能變化。或隨飲食入腹。食人五臟。急者刺痛卒死。緩者漸深羸瘦。更有誤食蜈蚣物中毒。舌出口外而不收識者。以雞血塗舌根上即收。